


Skina di Ruthy


Sabiduria den nos alegria!

Skirbi pa Ruthy "Lady Ruth" Vrieswijk-Bergen

Tabata dos anochi "sold out", "full house". E curason y motor inspira tras di e fantastico comedia "Amiganan pa semper", señora Farritah Luydens ta hopi contento y orguyoso sigur. E publico presente a goza for di cuminsamento te fin. Un sin fin di harimento pa e tremendo actuacion di cada un di e actor y actriznan, algun di nan cu nan debut den un comedia asina bunita hinca den otro. Esnan cu tabatin stress por a bay cas back sin stress. Ni e airco di Cas di Cultura cu no tabata friando mucho bon, no a stroba e publico di goza di e comedia aki, cu segun Lady Ruth y mas hende, por bay present'e na nos rumannan isla Bonaire y Curaçao y/of Hulanda. Manera nos bunita Maybeline Arends Croes a bisa Lady Ruth den nos comentario intercambia despues di e dushi comedia aki, e tabata tin cosnan "hot" aden, den e



vocabulario, pero no vulgar. Ta expresionnan criollo na nos dushi idioma Papiamentu.

E 5 amiganan pa semper, Sofia, Paula, Glenda, Marilou y Eluisa ta sinonimo di hopi hende muhe cu tin amistadnan cu otro hende muhernan di tur edad, den e caso aki di edad 50 bay ariba, cu por y ta pasando den situacionnan similar of diferente, y por identifica nan mes cu otro. Amiga den bon y den malo. Nos a keda masha impresionada tambe cu e actuacion debut di nos amigo, e gran artista cantante Edjean Semeleer di GoCultura como Jorge cu su rol "kort maar krachtig". Demostrando pues su talento fantastico den actuacion.




Pero no ta Edjean so, mi gran y bunita amiga cantante Nilka Franka kende tambe a haci su debut den actuacion a conquista curazonnan den publico sigur sigur, no unicamente pa cu su bunita bos sensual, pero cu su manera natural di actua, papia, move etc., el a carga e show den su forma unico di actua. E decor tambe tabata impactante, entre otro esun di e cementerio, ora Sofia mester a hiba e "urn" cu e shinishi di su Mama Bertha aden riba comando menazante di Jorge, den cual e placa tabata hinca, horta probablemente, cu Jorge a sconde pa drenta Colombia cu ne, na unda e 5 amiganan a bay, acompañando Sofia pa bay tira e shinishi na e lugar na unda su mama a nace. Ta hopi preparacion y tempo di training hinca den e comedia aki y el a duna su fruta sigur den su exito grandi.

Despues di e comedia cu su elenco a ricibi un "standing ovation" bon mereci, e publico por a saluda y felicita cada un di e actor y actriznan den e foyer di Cas di Cultura, saca potret y socialisa un crenchi.

Nos tabatin e suerte di por a haya e oportunidad di a bay "back stage" prome cu e show a cuminsa pa saca algun potret ora nan tabata preparando pa cambia paña pa subi stage.

Nos ta gradicido pa e oportunidad ey, pasobra, nos no ta saca potret mientras nan ta actuando pa no perde nada di nan papia y of actuacion. Danki na Farritah cu nos "sissen groep" por a sinta riba e di 3 rij dilanti pa asina apoy'e cu su exitoso comedia "Amiganan pa semper".

Sis Farritah, masha masha pabien cu bo exitoso comedia. Bo a demostra bo talento multifacetico un biaha mas den un proyecto grandi cu ayudo di bo elenco, bo sponsornan manera Unoca, GoCultura y demas sponsornan. Abo como actriz y artista grandi di Aruba, abo, como Tica Basha Bao, abo como esposa di Jan un hulandes cu su curason mitar arubiano colombiano y abo Farritah, como mama di bo



dos prinsesnan Lukee y Farilene, bo prins Jason cu tambe a shine den su bon actuacion y bo nieto stima "kleine Jason". Abo, un amiga pa semper den nos bunita sis groep. Abo, un hende muhe fuerte y talentoso y bendiciona.

Sis Farritah, you're the blessings. Pabien sis Farritah, pabien y mas pabien! You rock girl!



E dinamico team di "Amiganan pa semper" a celebra despues patras den e sala banda di e stage nan exitoso anochinan cu lekkere broodjes, hapjes en drankjes, traha y prepara pa Farilene mes, yiu muhe talentoso di Farritah, cu caranan y curason contento. Lieve mensen, danki pa lesa nos relato, stay safe y love you too!